

كريم الحجيرى

# لَسَّهُ بَاقِي

أشعار

الطبعة الأولى 2017

## بطاقة الكتاب

عنوان المؤلف : كريم الحجيري  
المؤلف : لسه باقى  
التصنيف : أشعار  
رقم الإيداع : 23902 - 2017  
عدد الصفحات : 92 صفحة  
رقم الإصدار الداخلى : 69  
تاريخ الإصدار الداخلى : 11 / 2017 طبعة أولى  
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر  
طبع ونشر وتوزيع الكتاب الا بموافقة كتابية وموثقة من الشاعر

### دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

**ناجى عبد المنعم**



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

alnilwaalfourat@gmail.com alnilwaalfourat

المقر الرئيسي: ج.م.ع. محافظة الشرقية - العاشر من رمضان - مجاورة 13 - أمام سنتر الـ13 - قطار 304

# الإهداء

الى اخوتى واصدقائى فى الحياه العمليه

واصدقائى عبر وسائل التواصل الاجتماعى الذين دائما  
يدعمونى بكل الحب والتقدير دون مجامله

والى اصدقائى الشعراء الكبار الذين نتعلم منهم الكثير  
وتشجيعهم لى

واهداء لجمعية رواد ثقافة أمل دنقل لدعمها لكل المواهب  
الصاعدة والوقوف بجانبها

والى شعراء بلدى (قفط) ..محافظة قنا

واهداء خاص للكاتب الاديب / يحيى ابو عرندس لوقوفه  
بجانبى وظهورى للوسط الادبى

كريم الحجيرى



الدموع غمت عنيا  
لجلك انتي يا بهيه  
لجل ما تعيشي البقيه  
متغربيش حد تاني  
خلي الولاد يحرصوكي  
وبالامل يحضنوكي  
متدفعيش للغربه ديه  
حسي بيا دا انا ليكي  
وباقيه ليا  
حسي بيا جوا منك  
وانا بزرع وبقلع في ارضك  
اخويا في الارض ديا دم  
ومحستيش  
هديه راح فداكي ولاد

شباب مكمش الدراره  
دمه موجود علي الكراسه  
وظفل مستني العيديه  
الغربه في حسناها  
واحنا جواكي يا بهيه

# يا فرحه

يا فرحه مش هتحنني

وف يوم هتجيني

ف الحزن سابق سني

عنيا حرقاني

والدمع بقا معايا

واشتكي النني

يا نصيب بقي كفايه

كثر البكي قتلني

والحزن خلاني

ما ابص في مرايا

والفرحه اللي خذلتني

حكايتها دي حكاية  
مش ناويه ليه تحني  
وتفرحي معايا  
انا اللي محتاجك  
مره ويايا  
بعديه طول عمرك  
تعالى لحظه جويا  
شوفي اللي حصل منك  
وابكي علي بكايا

# يا مسئولين

يا سياده الرئيس

يا سياده الوزير

يا سياده القاضي

راعوا الفقير

حقنا عندكم يا مسئولين

ولا عند مين

حق الغلابه كلته الديابه

والحرامي بقي من الشقيانين

العيشه غليت

والفقير اتعدم

والحلم مات

وفي الهم اتردم  
نفسنا في اجابه ومتقولوش نعم  
نعيش ازاي والدنيا قسيت  
والصبر راح وجيوبنا فضيت  
والعيال من بدري شقيت  
هي مش عيانا زي عيالكم  
نفسها تاكل وتلبس كمان  
وما ينامش فيهم واحد جعان  
وتتعلم مش في الشوارع واللومان  
ولا اتخلقوا لخدمه جانبكم  
يا سياده الرئيس يا سياده الوزير  
الحق فين

## ادلعي ..

ادلعي

علي قلب حبك من سنين

علي قلب شايلك فرح

وطول عمره جواه حزين

ادلعي

من جواكي جزن ال شال

وزرع بداله حبه امل

بتروي زرعه جواكي طين

تزيدي همه بالوجع

وتقتلي حلم عايشه

ولدعاكي بيقول امين

تستعبدية

وتشوفي فرحك في ألمه

وع الدلع حالفه 100 يمين

اكنه عاشق للعيون

سايقه الدلال بالقوي

وجايه عليه

هو انتي مين

ليه ال حبك جوا منه

بتدلعي عليه

بتقسي ليه

ملعون دا اسمه الحنين

ادلعي

# ابن بطني

يا ابن بطني بترفس جوايا ليه  
مستعجل يا ابني علي النزول  
بكره تشوف كان سجن بطني  
ولا يبسموها ايه  
الضني ... غير اسم الدنيا  
عمرها ماتكون حنونه  
كبيرها هتعد همك  
وتكبرك بسرعه في يومين  
وتعجزك وتجنك وتشيك  
مش بعيد ينادوك  
يا ابن الـ .....

ايوه ابني واين بطني  
في عز ضعفك  
انا الحنونه  
وانا المجنونه بيك  
9 شههور يا ريتهم سنين  
امي يا عضمي القوي  
ربت لنا الكتوف  
من بطنها قدمت لي الكفوف  
امي ال لابسه للدموع طرحه  
امي المسافه بين الحزن والفرحه  
امي الطير علي الشجر  
عمرها ما كانت جارحه  
فجأه خدها المطر ومستني انا لمحاه

# أحكم يا قاضي

أحكم يا قاضي

هز ببيان المحمكه

الظلم ليه اصبح اقوي

والحق أخره المشنقه

ليه القوي جاي ع الضعيف

وليه القلب اصبح خفيف

وف حكمه يكتب 100 سنه

هو ال شقيان ع الرغيف

مش ناوي ياكله بالهنا

هو ال عرقان ماله جوف

مش جايله يوم يملاه الغني

افتح بيان المحكمه  
علي اصوات الدفاع  
احنا الغلابه ما بين حيطان المسجنه  
متشردين وسط الشوارع  
لا هدمه علينا ولا حتي لقمه  
اتكلم واحكم عننا  
قول الحقيقه  
ايه ال جبنا في يوم هنا  
غير مد ايدينا للكبير  
والطفل نقوله يا عمنا  
احكم يا قاضي  
علي الشحاتين المتسولين  
انطق ومنك للسما  
راضي بحكمك لو كان قوي

ادينا حلم نمشي وراه  
ولو هنخطي الافدنه  
وان كان مصيرنا  
برضوا السجون  
احكم بقبر يلما

# إحنا مش إرهاب

احنا مش ارهاب  
ولا كارهين روح تعيش  
ولا بنفجر ولا بنفكر  
غير في اكل العيش  
انا بعمه وطقيه  
والجلايه  
خيظهاالي مينا وجرجس  
م هما الترزيه  
يشهدوا عليا وعارفين دمي  
ما يتلطش في الأديه  
احنا القناويه

واللى قتل مش مننا  
ولو كان بيحمل اسمنا  
وسمنا ما يموتش غير جرحنا  
وفرحنا لما الجوامع والكنائس تلمنا  
احنا القناويه  
مش ذنبنا  
عالم بيطلع مننا  
بتبعده عننا  
واللى فشل بسبب البطاقه  
كلبش واحد بيلمنا

# إحنا مش حرس

احنا احنا

مش حرس علي الحدود

واقفين مسلحين بالمدافع

وم العدو خايفين نموت

بدافع احنا صامدين رجاله

الشرف والصغار اللي في البيوت

يا بلد فداكي الولد

وللشهاده اهو جي المولود

اسهد يا شارع اني بموت

وكنت راجل في معركة البارود

وان كسرنا العدو اللي جاي وفاجع

عليك يا شجر التوت  
صواريخ ونار وضرب رادع  
صدناه بالنبوت  
وعشقنا الموت لجل الحياه  
انطق يا نخل انا ياما تحتك قولت آه  
وشوفت الموت  
اشهد يا نيل العدو راجع  
الشوك مزروع علي الشطوط  
كترت سفنهم بس فينهم  
دا اللي عاش اسم البارود  
الميه تشهد علي هزيمتهم  
اللي عاش منهم ماكلش توت  
واحنا مش حرش ع الحدود  
واقفين مسلحين بالمدافع

ومن العدو خايفين نموت  
احنا واقفين رجاله بدافع  
الشرف والصغار اللي في البيوت  
والله رجاله يا بارود

# آل شمتان

آل شمتان يا مصر فيكي

امسحيه من شهاده ميلادك

اوعى تهزى رمش فى عنيكى

وتنطقى وتقولى ولاداك

كبرى دماغك يا غاليه

وطنشى ابن عاصى

شمت فيكى

وغرق نفسه فى المعاصى

سب فيكى علشان ماتش كوره

إل جاب ابوكى فى غاره

فجأه نباتك

اتحول جمادك

قلبك علمتیه معنی الشطاره

یوم یکبر...یدوس علیکی

یوم ماینطق...یسب فیکی

نسی امه آل معروفه

باسم الحضاره

نسی هر مه آل بنوه جنوده

نسی علمه آل رفر ف

وعرفه بلده وحدوده

آل شمتان یا مصر فیکی

ادفنیه بره منك

بره ارضك

آل شاف جرح بینزف

وقال علیکی دا لانك

متسحيل يكون دا ابنك  
أل داق في مره شهدك  
عمره ما هيكون في لحظه مرك  
أل شايف غيرك احن  
يفتح جناحه للغربه جايلك

## المغروره

اتدلعت والسن بقي 24

حست قطر الزواج فاتها

افتكرت لحظه من سنين

لما ولاد الحلال جاتها

وكانت حالفه 100 يمين

مترضي بحد

بيبني في نفسه والمسكين

فجاه اتهد بكلمه منها

ورجع مكسور علشان طلب اليد

وغيره وغيره

مفيش واحد ملي العين

ولما الباب مطرقش بجد

سرحت جواها

وراح بيها الحنين

امتي يا جي واحد من الاتنين

قدامها وتشوف راجل مره

بقي حلمها يا اه

بعد ما كانت مستكبره

مفرقش معاها يبقي مين

ابن وزير

ابن غفير

حليت في عنيتها ميه الزير

نفسها تشرب مش طايله

وغرقانه في بير متعشمه

يا مغروره هقولك شئ

ميه النيل ميه البير  
هتروي العطشان  
لو جواكي الزره لساه حي

## إمسك حرامي

إسمع يا صديقي الصغير

خلي بالك صغر سننا بيسرقوا مننا

بكبرهم وبوضعهم والرد فعلا اننا

عيال طايشه ع اللحم عايشه

وحلمنا حتي بيقولوا عنه مش حقنا

قال شاعر وقلم

تريقه وحصار يبكي الندم

نحضن الم وهو دا ملكنا

متقولش بكتب شويه مشاعر

دوان شاعر

لما انت شاعر حس بالكبير

وقوله يا عمنا  
احكي لي حالك  
وانت هتلاقي كلامك طائر  
ومعمول قصيده  
وتشبه سنك مش سننا  
ساعتها هتعرف مين فينا شاعر  
ومين يتقاله يا وضعنا  
تكتب ما تكتب قلم جاسوس  
تحت القصديه هيكتب اسمنا  
امسك حرامي  
هتقول كلامي  
هيرد غيري انت مين  
هو انت تذكر في فننا  
انا شاعر واكبر منك يا ولد

كم قصيده عندك  
هتضيع بيهم وقتنا  
يعني ايه سرقنا منك  
م انت في زمن كلها زينا  
تعمل قصيده تعمل ديوان  
بس اكتب عليه حلمنا

# أنا الصعيدي

اللي توب الرجوله توبي

انا ابن البلد من يومي

انا المجند في جيش وطني

واقف اسد حامي حدودي

انا الصعيدي

اللي سيد الرجال جدي

انا اللي شقيت

وانا اللي بنيت

وانا اللي اتصدر للعدو صدري

انا الصعيدي

وأسألوا التاريخ عني

لما زرعت  
ولما جنيت  
مكنش في البلد قدي  
انا الصعيدي  
سلاحه نبوته  
انا اللي عسله مشنا بنونو  
انا اللي ثروته ف قوته  
وف وسط النار بجيب زادي  
انا الصعيدي  
وعزوتي ولادي  
و ديني الشرف ويشهدوا بناتي  
انا اللي عرقه ع العين نازل  
وايده في الشقا يوماتي  
انا الصعيدي

بقولها وانا رافع راسي

قالوا عليا كثير

تريقه و علي نياتي

ميعرفوش فيا الخير

وطبعي للطيبه وراسي

# أنا المصري

ليه الدنيا بقت ماضي  
وليه الامس صبح بكره  
كل يوم يموت لينا حلم  
وتتهد لو تكون فكره  
انا عايش كما المجهول  
ولا يوم لحظ اطول  
فيها يدوب نكره وبقيت  
انا المصري انا وجدي  
ليه بتقطعوا ودي  
وبتچاربوني ع الذكري  
ابويا في الحرب اهو مات

وجنودي ع الحجر علامات  
ف قلب الارض ع الصخره  
ليه حالي بيتدهور  
منور ليه علمي ماهو  
طريقنا الزار والحضره  
منيش درويش  
انا مصري انا مصري  
انا الجندي  
وانا المذكور في قرآنه  
انا الشهيد فدا بلاده  
لجل تكون حره  
ليه دوسنا ع ماضيها  
ليه بيعنا اراضيها  
والعلم ماهوش فينا

وبنحلي دلوقتي في المره

انا الحاضر

وانا المغلوب علي امره

لا عارف عشت كتير

ولا كم جه من عمره

لا شايف لشمسه نهار

ولا ليل يكون قمره

انا المحشور داخل جره

جواها سواد في سواد

انا المصري ودا حالي

مستني يادوب نظره

# إنتي إلی اخترتی

انتي اللي اخترتي

تحبي واحد عيشته بسيطه

لا عنده شركه ولا حتي تركه

والتكيف عنده ضل حيطه

لا عمره حب قبلك

ولا يعرف سمرا ولا بيضه

ويوم ما قابلك

معرفش يلبس ايه

كل هدومه سوده

قلع عشانك هييته

ونسي انه صعيدي

والعمه بقت برنيطه  
ونسى السواد اللي ف هدومه  
كان نفسه يعجبك وتنسى فقره  
مخفش من حد يلومه  
وانتي صدقتيه وعملي عبيطه  
انتي اللي اخترتي  
تحبي واحد عيشته بسيطه  
متسببهوش  
لو جاتله فرصه يسعدك  
مش هييخل ثانيه  
بس الايد قصيره

## بكتبك

بكتبك وقلبي مش راسي علي مرسي  
كانه مركب مش لاقى شط عشان يرسي  
شوفتها وعرفتها كأنها عارفاني  
وف قلبها دليل لعنواني  
كلمتها بقلبي قولتلها حسيني  
كلمه بحبك مش واخده علي لساني  
عشان اقولها محتاج كتير  
محتاج احبك  
ما هو ف القلب كلام واللسان كلام تاني  
حبيتها وربي يعلم  
حاجه جوايا ف القلب وجعاني

بقت حياتي بقت روحي  
لو خرجت ما فيش حياه تاني  
عشت الحب وياها  
وف لحظه البعد خلاني  
اعيش الدنيا عذاب وموت  
بس عشان حبك  
اعيش واموت 100 مره تاني  
قالتلي ابعده وياريت تفهمني  
فهم عقلي بس ف قلبي  
رصاصه ما ألماني  
اصل وجع الدنيا اااه  
ووجعي منك ب 100 ااه تاني  
كتبت الشعر عشانك  
بتمني يكون نسيم وفاح ع مكانك

مش عتاب والم لعذابك  
دا جزن وجرح قلبي لبعادك  
حببت إسمي مع اسمك  
وجوه القلب انا راسك  
وبنبض القلب انا بحسك  
حلفت بربي م انا ماسك  
وحياه من خلق اسمي واسمك  
ف حياتك هكون انا مقاسمك

## بنت الناس

بصي يا بنت الناس

انا لا بتاع حب ولا احساس

انا عايزك ليا وهشيلك ف العين والراس

اصل العشق فاض بيا خلاص

هروح لابوكي واقفوله يا عمي

عندك بنت نعم الاخلاص

صانت عرضك وسط الناس

وخلت صورتك ورده في برواز

وانا جايلك وخايف اداس

ترفض طلبي واعيش محتاس

عايز بنت ست الناس

تكون لي حلالي وتاج ع الراس  
باذن الله هاتكون متصانه  
ما هو تربيتك ليها حصانه  
وانا يدوب سطر في كراس  
البننت اصيله ومهرها ماس  
تقدر تدفع يا بن الناس  
عيني يا عمي اطلب بس  
هي جواه ف قلب  
وقافل عليه ب 100 ترباس

## جوه القلب

جوه القلب متربعه  
وبالحق ملكيش شريك  
واخذه الروح مني  
والجسم مستني ايدك  
القلوب بتحب مره واحده  
ونا قلبي حبك مرتين  
حبك قولتله لما شوفتك  
وحب مدسوس ف العنين  
مستحيل ابدا اسيبك  
وانسي اقوله اني حبيبك  
مش هخون حب السنين

متقوليش بعيد عنك  
ونا قلبي مشتاقلك حزين  
مستني يوم يكون بقربك  
يشوف فرحتك ع الخدين  
نفسى اوصف حبي ليك  
يا ملاك علي هيئه بشر  
ماسك لي فرحه ايده  
حالف بجبه ينتصر

## حبة مشاعر

حبة مشاعر خلوني شاعر  
قفلوا البيبان وخلوني اعافر  
افهم كلامي وخليك فاكر  
اللي بقوله حبه مشاعر  
لا عايز لقب ولا حتي اتشهر  
اسمع احساسي اللي بيه شاعر  
كنت بسرح في عونها وسافر  
وحلمي هيتحقق معاها انا كنت فاكر  
طلع الوجع من نصيبي وعملت ناكر  
والعيون بتكذب وتكابر  
كتمت دموعها جوا منها

ولمعت سموادها متقولش فاجر

شلال دموعها قالوا لساني

حبه مشاعر خلوني شاعر

## من نظره عين

لو سألوني ف يوم عنها

هقول مواويل

ولا تكفي

انا لو كفي لمس ايديها

يزيدني حنين

لو غنيت صوتها يكون لحنى

وانا محنى

رافعه بالادين راسى

فجأه تترمى فى حصنى

ولو انى بكون مهموم

بشوف الدمع فى عيونها

تشيل عني  
تكون ضي في قلب الليل  
تكون قمره  
ف عز الشمس  
تكون شجره  
لو سألوني يوم عنها  
هاقول مواويل  
ولا تكفي  
انا المنفي في بعدها  
ولا شايف لليلي نهار  
كما النفي ولها ذليل  
انا كتفي شايل حمل جبال  
لو حطت ايديها عليا ثواني  
توقل للدنيا خلاص كفي

حبيبي ياما شاف الويل  
حبيبي لو قولت كتير عنها  
موصفش حبي ياناس ليها  
لو قولت عنها قصديه في يوم  
هكون غلطان  
دي ميكفيهاش 10 دواوين  
عشان اقول كلمه في عنيتها  
واتكلم ع جمالها  
هتقوله حزين دي بنت امير  
ودا عاشق يشوف منها  
اكيد مسكين  
انا العاشق لنظرتها  
لو كانت مين  
انا السلطان

# حلم محبوس

كان نفسه يعيش دنيته  
كان فقره سارق ضحكته  
الجيب ما حلتوش اللضا  
والقضا داس عليه  
من يوم ما تولد  
حالف ليكسر جناحه بالقوي  
واصبح نصيبه المرمطه  
حوا الحوارى  
تحت الكبارى  
حلم محبوس تحت الغطا  
على وشه كلام كثير

خطوط كثير معقده

من كتر الشقا

الوش دا بكا عيون متكبره

لايدين ممدوه بتدعي

ع المصطبه

كان حلمه يكون زيننا

نفس الملامح مننا

نفسه الزمن يستره

ويشوف ملامح الرضا

والفضا

يردد صوته فرحنه

مليون صدا

والقضا يقول كلمته

يشهد عليه

يوم ما كسر نفسيته  
كان شايله يوم زي دا

# ذكريات

ياما وجعتيني وسامحتك

ياما بعتي

وياما خنتي

ياالما قولتي ولا يوم جرحتك

ف البعاد كنتي قاسيه

وليا كنتي ناسيه

وانا اللي عايشه جوايا ريحتك

كم مره اطببب ودادي

مره يتوصل ودادي 100

وبالايادي

تقطعيه دايمه بعندك

تقفلي كل الطرق  
وتحبي البعاد  
وتعملي يومين حداد  
قلب حبك تترحمي ع  
تدفي جواكي حب  
وتدمري انسان ذنبه انه حب  
كان عاشق  
وللقرب بيقول يارب

# زي زمان

في الصبح

بتمشي في غيطنا

وعنيا من السقعه تدمع

الزرع لحظته دبلان

كان نفسه صوته يسمع

ويقول زعلان

كان جدي عشقاه الارض

واقف ع طول وعرض

ويبيسط في تراها الاسود

ويساوي الحد

فعلا كان شقيان

بييسد خديم من ناحيه  
ويفتح حرار للميه  
لا يموت زرعه غرقان  
كان خيرنا طالع في نباته  
كان غيظ عمران  
وجريد نخلنا بيشكلي  
انا شايفه واقف سارح  
بيقولي مانيش طارح  
معدشي امان  
ولا حد يونس ضلتنا  
ولطيبته تنزله طيابتنا  
كده زي زمان

## عد الضحايا

عد الضحايا يا وطن  
اطفالنا صارت كالدبايح  
وضيف عليهم اللي اندفن  
واللي قاعد دمه سايح  
فين الامان ولا الزمن  
كثر جسسنا وبقي العفن  
ريحه عندك من الروايح  
كان طفل بيحلم بالهنا  
نزلت عليه سواطير الدمار  
كان زنبه ايه ؟ ... مهوش بشار  
دا كان لمرجحته رايح

يا وطن عطشان بيشر ب  
دورت السواقي من دمانا  
دم الضحايا في طررك فايح  
منيش سارح في نواحيك  
وخايف اموت  
دا انا محمي بيك  
وجدري فيك لساه طارح  
حن علينا بالامان  
طيب قلوبنا وداوي جروحنا  
وحشنا العيش ع المطارح  
عد الضحايا يا وطن  
اطفاننا صارت كالدبايح

# عيب عليكي

لابسه يلختي و متقمعه

ورافعه حواجبك و متربعه

ولبسك هدوم متقطعه

عيب عليكي

لو قالو لك ما حيلتنا غيرها

كنتي قولي عنها مرقعه

و عالخروج متسربعه

طالعه تسيري في الخلايق

وف مشيتك متقصعه

والشباك متلقحه

ف الشوارع ع القهاوي متصمبه

عمالين يرموا ف كلام  
وحضرتك مستمتعاه  
ولو حصل منهم كتير  
تقولي مش مطمعاه  
مش ها يصدقوكي  
طول ما اللبانه مطرقعه  
خليكي فوق مترنحه  
وسط الورود متبسمه  
لو دبلي شاريكي قاعد  
ريحتك الحوه مفحفحه

# فاكره ياما

فاكره ياما

لما كنتي بتحضني

كنتي فيا وجوه قلبي

كنتي يا غاليه ماليا عيني

كل مره بتشوفيني

كنتي بتلمي عنيني

زي مايكون اول مره تعرفيني

كنت بحرلم يوم بحضنك

وبحنانك تحتويني

كنت بتنفس مشاعرك

لما فجأه بتحضني

وبحنائك تحتويني  
كنت بتنفس مشاعرك  
لما فجأه بتحضنيني  
اللي خلف لا مماتش  
وانتي يامه ربتيني  
واقف اهو راجل قصادك  
وانتي جيتي وحيتيني  
وقتها حسيت يا امي  
انك جايه تودعيني  
بتوصيني ديما ببليدي  
وان روعي هي ديتي  
واما قرب وقت جيشي  
ياللا نفسي تلبسيني  
اصلو حالف مش هاسيبك

الا لما امسح دموعك  
وقتها هتريحيني  
حد يبكي وابنه جنبه  
لسه محلفتش يميني  
ياللا يختي وصليني  
روحي يا ولدي زي ابوك  
مقالش عيبه  
ولا كسر في مره عيني  
هانفذ وصيتك يا امي  
وهافدي وطني وديني  
ولو قالولك انه مات  
وصيتي ليكي تغسليني

## قلب عليل

ليه لسه محتشي

وحاضنه ف قلبها الغربه

ليه مره محستشي

انها الفرقة

ان البعد بيدمر

وان الحب بييموت

لو قلونا ماهيش فارقه

ليه راكبه حيطان العند

وماشيه عليها تتعكز

ليه سابت طريق اللحم

وسابت قلب بيحفز

وبقيت طيور جارحه

لا هي عارفه ضي الشمس  
ولا ابوابها اللي مش فاتحه  
ليه لسه محتشي  
ليه لسه محستشي  
انها الفرقه  
ليه حابه سواد الليل  
ليه رافضه لطريقها دليل  
مش سامعه ولا كلمه  
كرهت فجأه حب سنين  
ومش شايفه اسمه ع الدبله  
مليون وعد ليه نسيته  
وكرهت يوم ما حبيتها  
بتجرح ف قلب عليل  
كان نفسه يكون زوجها

## لسه باقي

لسه باقي ليكي ذكري  
جوا مني ومداريها  
جوايا لسه عايشه قصه  
مش ها تكوني ماضيها  
انتي فيها كل حرف  
وكل كلمه بتحكي عنك  
والخناق كان باين فيها  
كل سطر يشهد بانك  
بالغيره بتزوديهها  
كنتي الاخت والحبيبه  
وال جاي من عمري معاها

كنتي في كل شئ قريبه  
ليه دلوقتي تبعديه  
ليه ليالي الحب هانت  
حتي مشاعر القلب ماتت  
وال باقيه بتخبئها  
لو مش بايدك اي حاجه  
الفرصه ليه بتضيعها  
لسه باقي ليكي ذكرى  
جوا مني ومداريها  
ايوه راجعك لاني  
لسه انتي عندي غاليه  
لسه مكانتك ف قلبي  
حد غيرك مش ماليها  
ايوه بكتب فيكي شعر

والقصايد حلوه بيكي

دا بجانك بتزينيها

# ليه يا قلم

ليه يا قلم خايف وساكت

واقف وعایش دور الحزين

رافض حروفي تتكتب

وبتقتل ف قلبي الحنين

ف لحظه صدق ع الورق

قلب حب وغرق

وقلب طريقه النفاق

ولا انت من الشمتين

رافض مشاعري تتكتب

وكل احلامي تتشطب

واكتب عليها الغرقانين

انا قلبي جواه الحقيقه  
وطريق الحب سكتي  
رافض وجودي في القصيده  
في الحب اكتب غيتي  
اوصف عيوني المشتاقين  
سجل واكتب ع السطور  
خلي شعاع الحب نور  
ف الضلمته يونس وحدتي  
وتكون قصيده العاشقين  
ليه يا قلم خايف وساكت  
وعايش دور الحزين  
ليه ف الطريق واقف قبالي  
كاره حروفي ع الورق  
ولا حتى في لحظه انين

# مش قاصد أجرحك

مكنتش قاصد أجرحك

ولا بزود ف العتاب

ولا ناسي يوم كنا احباب

القلب ال حبك عمر

مستحيل ف لحظه كدا يشوهك

بس المره دي قلبي قسي

قلبي نسي انه قلب بشر

مات جواه اصبح حجر

وحالف ليعلمك

يعني ايه قلب حبك

يعني تجرحي انسان

وهو عمره ماصدك  
كنتي وياه ف امان  
والحنان والولاء  
كان واصفه باسمك  
جايه دلوقتي  
تردي الببان  
والحنان يقلب شيطان  
والامان كان واخده منك  
بكره الايام هتضيعك  
لا حب هينفع معاك  
ولا هتلاقي ال يسمعك  
القلب اللي حبك زمان  
هيجب غيرك  
وجاي دلوقتي يودعك

لا مستني شماته  
ولا حتي ابنه يمشي تاته  
وانتي قاعده مطرحك  
بس نفسه يسمع وب امانه  
ان غيره ها ينفعك

## مقدرتش

قولت يومين وانسي

وياجي يوم ويبقى حب مات

وادوس ع قلبي واقسي

وامسحها م الذكريات

واقول خلص اللي ما بينا

لا مراسيل تظمنا

ولا صدقه تجمعنا

واهي بعدت المسافات

يا قلبي ليه تعذبني

وتعاند وتبعدني

وتخلي العند يوعدني

بالنسيان  
مقدرتش انسي  
اتاري العند بيخوني  
وعلي سيرتها  
بكون غيران  
يا صبر الصبر صبرني  
مانيش صابر ع صبري  
وع البعد قدرني  
وقولي القرب جايله اوان

# من غير تعارف

بيحبها ومكنش عارف  
حاسس بحاجه بس خايف  
احساس حد ملهوف  
بس عمره ماكان ليها هايف  
صبح صباحو وع الرزق حالف  
لا يعرف حب ولا خلافه  
عدت قصاده العين ما شافت  
دق قلبه قاله شايف  
سمع لقلبه وعاش حكايته  
كان يوماتي ف طريقها واقف  
مستني نظره من غير ماعارف

ایہ جواہ وحصلت مواقف  
حب خطاها ووراها لافف  
وصلت مکانها ورجع طریقہ  
علشان حبه من غیر تعارف

# منتیش حبیبتی

منتیش حبیبتی م النهارده

انتي حبیبتی من زمان

حبی لیکي ما کنش غلطه

بس نسیتی الامان انتي

بعتي قلب حبك

حضن ضمك

ورجعتي تحكي كنا كنا

وحببتي كان

عشتي حیاتك بكل وضوح

وكان ما فیش موضوع

وملیتی فرحي بالاحزان

فضلتني تدوسي ع قلبي  
وتهدي في طموشي  
موتي فيا الانسان  
كرهت صورته تشبه ملامحك  
يلعن دا يوم نطقت اسمك  
وقولت بحبك  
نفس اللسان اللي نطقها بيلعنك  
لو سمعت دلوقتي سيرتك

## مهما عملت

مهما عملت ولا قولت  
مش ها تسد جميلها عليك  
يوم ما تبكي امي ماتت  
نعشها ها يضلل عليك  
ايدك ليك حاضنه نعشها  
والتانيه في هم ليك  
وهي فرحانه طايره بيك  
وانت ماشي تبكي يامه  
مين تاني ها يحس بيا  
مين اخويا ومين ابويا  
بعذك انتي مين نور عنيا  
حتي وانتي في مكانك

كان ف قبرك حنان  
كنت حاسس بالامان  
كنت سامع وصيتك  
ال تصلب حيطان  
متشلش هم اللحظة ديا  
بكره هيكون ابن ليك  
بكره هتشوفني ف عنيه  
وانت بتططب عليه  
روح يا ولدي  
الدنيا مش باقيه لينا  
الرضا مش بالكلام  
الحنان مش بالعلام  
بكره تكبر وما تنسي  
ابقي ارمي علي قبري السلام

## مين يرجعها

يا ساكنه القلب

وبين الضلوع

تقولي يارب

وانا موجوع

امي يا بيت الدعا

ياللي حمياني

كثير جرحوني وانا

ب دعاكي شفياي

امي يا صهر اتحني

لجل م تربي

عايزه تشوفي المنى

وبمركبي تعدي  
امي يااخر سفينه  
شيلاني بس الفرح  
لعد ف ايد امينه  
تداوي ال انجرح  
دمعي ملي الخدين  
عدش حد يمسخها ولا  
ولا عارف طريقي لفين  
دا انتي ملامحها  
بدل الاسف اسفين  
نفسى افرحها  
سبتيني ياما لمين  
ياامين يرجعها

# نعيد إزاي

نعيد ازاي

وقلوبنا ماليها الجرح

ننسا اللي راح منا

ونخون العيش والملح

بنضحك علي نفسنا

وننسا الحزن بالفرح

ونقول خيانه مشروعه

والعيد يزيد الطرح

اه يالي القبر تواك

وخلي ف بعدك جرح

لا شوفنا بعدك عيد

السكر ب ندوقه ملح

نعيد ازاي

## محتويات الكتاب

صفحة	المحتوى	م
2	بطاقة الكتاب	1
3	الإهداء	2
4	نفس القضية	3
7	يأفرحه	4
9	يامسؤولين	5
11	إدلى	6
13	إبن بطنى	7
15	أحكم ياقاضى	8
18	إحنا مش إرهاب	9
20	إحنا مش حرس	10
23	آل شمتان	11

26	المغرورة	12
29	إمسك حرامى	13
32	أنا الصعيدي	14
35	أنا المصرى	15
38	إنتى إالى اخترتى	16
40	بكتب لك	17
43	بنت الناس	18
45	جوه القلب	19
47	حبة مشاعر	20
49	من نظرة عين	21
52	محبوس	22
55	ذكريات	23
57	زى زمان	24

59	عد الضحايا	25
61	عيب عليكى	26
63	فاكره ياما	27
66	قلب عليل	28
68	لسه باقى	29
71	ليه يا قلم	30
73	مش قاصد أرحك	31
76	مقدرتش	32
78	من غير تعارف	33
80	منتيش حبيبتي	34
82	مهما عملت	35
84	مين يرجعها	36
86	نعيد إزاي	37